



## Anvid a messadi pigl tarvaschegns da la Muntogna da Schons

**Data : Vendergis, igls 31 da matg 2024**

**Tains : 20.00 uras**

**Liac : scola Donat**

### Tractandas :

1. Bagnvagnieu tras igl president ad elecziùn digls/da las dumbravuschs
2. Protocol digl tarvaschegns digls 27 da dezember 2023
3. Protocol digl tarvaschegns digls 13 da dezember 2023
4. Quent anual 2023 digl vaschinadi Muntogna da Schons
  - a) Presentaziùn a discussiùn
  - b) Raport da la Cumissiùn da gestiun
  - c) Apruvaziùn
5. Lescha da pumpiers digl vaschinadi Muntogna da Schons
  - a) Presentaziùn a discussiùn
  - b) Apruvaziùn
6. Partizipaziùn ve digls custs finals da la melioraziùn da la regiùn da muntogna Lon/Maton
  - a) Presentaziùn a discussiùn
  - b) Apruvaziùn
7. Comunicaziùns da la suprastànza
8. Varia

Stimadas votàntas, stimos votànts

La suprastànza digl vaschinadi Muntogna da Schons preschainta a Vus igl messadi a las dumondas inoltradas partutgànt las tractandas numnadas.

### **Tractanda 4: Quent anual 2023 digl vaschinadi Muntogna da Schons**

Par plascher vurdar igl messadi tudestg.

La suprastànza dumonda d'apruvar igl quent anual 2023.

### **Tractanda 5 : Lescha da pumpiers vaschinadi Muntogna da Schons**

Las leschas da pumpiers digls anteriurs vaschinadis Casti-Vargistagn, Donat, Lon a Maton en vagnidas revidadas digls 2020. Da lez tains ân las leschas stuvieu vagnir adatadas parve da la cunvegna cuagl vaschinadi d'Andeer, c'â surprieu l'organisaziùn digls pumpiers. Las leschas digls vaschinadis vigls vignan ramplazadas ussa cun egna lescha nova pigl vaschinadi Muntogna da Schons.

La revisiùn actuala prevesa betga grândas midadas.

Sut artecel 5 datigl egna midada tge ca partutga igl duer da far survetsch da pumpiers. Deliberos vign la suprastànza digl vaschinadi Muntogna da Schons sco ear parsûnas cun impedimaints spiertals near fisics. La nova lescha da pumpiers e vagnida aprobada digl president da la cumissiùn da pumpiers digl vaschinadi d'Andeer sco ear digl inspectur cantunal da pumpiers.

La suprastànza dumonda d'apruvar la nova lescha da pumpiers digl vaschinadi Muntogna da Schons.



## Anvid a messadi pigl tarvaschegns da la Muntogna da Schons

### Tractanda 6: Partizipaziùn ve digls custs finals da la melioraziùn da la regiùn da muntogna Lon/Maton

L'assoziaziùn da melioraziùn digl teritori da muntogna Lon/Maton e vagnida fundada digls 2015 sen iniziativa digls vaschinadis anteriurs Lon a Maton. Avànt dus ons àn ign savieu antschever cun las empremas masiras da fabrica. Las veias da transport ca en da grànda importànza pigl puresser vignas biageadas or (ca. 25 km) An tut en ca 884 ha agl teritori cumpiglieu.

Igl project da melioraziùn fetg impurtànt par la Muntogna da Schons custa 14.6 miliùns frànchs. Suainter ver tratg giou las subvenziùns federalas a cantunalas restan anavos custs da 3.337 miliùns. Igl e usit c'igl vaschinadi da domicil surpranda 30-50% digls custs finals. La suprastànza digl vaschinadi Muntogna da Schons fa la proposta da sorprender 40% digls custs finals da la melioraziùn. Igl vaschinadi sa profitar an avegnir da las veias a purs a proprietaris da l'antier vaschinadi en partutgieus. La suprastànza da melioraziùn à dezidieu da far egna dumonda par sustegn finanziaal agl padrinadi par teritoris da muntogna. Sch'igl dat egna cuntribuziùn vignan igls custs finals digl project par quella pàrt ple pintgs.

La suprastànza dumonda da sorprender 40% digls custs finals da la melioraziùn teritori muntogna da Lon/Maton.

Igls documaints en a partir digls 21 da matg 2024 sen la pagina d'internet [www.mdschons.ch](http://www.mdschons.ch) near san vagnir retratgs sen canzleia.

Donat, 16.05.2024

La suprastànza Muntogna da Schons